



Služba za privredu
Broj: 02/1-9-19-2419/2023
Breza, 28.07.2023. godine

OPĆINSKO VIJEĆE BREZA - SLUŽBA OPĆINSKOG VIJEĆA -

Predmet : Odgovor na postavljenu vijećničku inicijativu

U okviru vijećničkih pitanja na sjednici Općinskog vijeća Breza koja je održana 10.07.2023. godine, vijećnik Mirnes Bašić je postavio vijećničku inicijativu koja glasi:

„Da se prilikom saniranja udarnih rupa tokom ljetnog održavanja posveti pažnja da se i manje rupe ili dijelovi asfalta popune asfaltom radi sprečavanja podlokavanja uređenih dionica koje bi dovelo poslije zimskog perioda do otvaranja novih udarnih rupa koje bi se mogle preventivno riješiti.“

U vezi postavljene vijećničke inicijative, dajemo sljedeći odgovor :

U toku je realizacija Programa redovnog održavanja i zaštite javnih cesta na području Općine Breza.

Jedna od osnovnih stavki jeste sanacija udarnih rupa. Prioritetno se vrši sanacija velikih udarnih oštećenja na asfaltnim površinama, kako bi se obezbjedilo bezbjedno odvijanje saobraćaja.

Po sanaciji velikih oštećenja, pristupit će se i putarskoj ugradnji asfalta, tj. nužnoj sanaciji-zatvaranju manjih oštećenja, radi zaštite asfalta i sprečavanja daljeg širenja pukotina.

Obrađivač: R.Mušanović

Dostavljeno
1 x Naslov
1 x evidencija
1 x a/a

Pomoćnik načelnika

Salih Hasanspahić



Služba za privredu
Broj:02/1-15-19-2420/23
Breza, 28.07.2023. godine

**SLUŽBA OPĆINSKOG VIJEĆA I
OPĆINSKOG NAČELNIKA**
- Općinsko vijeće -

Predmet : Odgovor na vijećničko pitanje

Na sjednici Općinskog vijeća Breza održanoj dana 10.07.2023. godine, u okviru vijećničkih pitanja, vijećnik Jusić Haris u pismenoj formi je postavio vijećničko pitanje, koje glasi:

„Pitanje u kojoj fazi realizacije je projekat proširenja javne rasvjete, konkretni tičija ulica za koju sam podnosio inicijativu prije tri ili četiri mjeseca, s obzirom da se u toj ulici nalazi veliki broj pasa lualicakoji otežavaju kretanje građana u noćnom periodu .

Drugo pitanje se odnosi na naselje Trtorići gdje ima pokvareno sedam ili osam rasvjetnih tijela duži period. Isti problem građani su prijavili i ja lično kada će taj problem biti riješen“.


U vezi sa postavljenim pitanjima dajemo sljedeće odgovore:

1. Za svaku Budžetsku godinu donose se godišnji planovi rada koji moraju biti usklađeni sa planiranim budžetskim stavkama iz kojih se vrši finansirane planom predviđenih projekata i mjera. Plan rada Općine Breza za 2023. godinu usvojen je od strane Općinskog vijeća Breza, na 25 redovnoj sjednici, Zaključom broj: 01/1-02-238/23 od 30.01.2023. godine. Međutim, Planom rada općine Breza za 2023. Godinu Budžetska stavka „Projekti izgradnje, proširenja i održavanja javne rasvjete i semafora“ (50 000,00 KM) još uvijek analitički nije razvrstana po projektima jer se trenutno više projekata izgradnje, proširenja i modernizacije sistema javne rasvjete nalazi u postupku odobravanja kod nadležne općinske službe. Nakon izdavanja odobrenja utvrdit će se prioriteta za realizaciju po proceduri donošenja Godišnjeg plana rada Općine. Kada je u pitanju predmetna inicijativa istu bi trebalo dopuniti sa više tehničkih podataka u smislu obima proširenja sistema rasvjete (dijelovi ulice ili naselja na koje bi trebalo vršiti proširenje, potreba za novim rasvjetnim stubovima ukoliko postoji, broj rasvjetnih tijela, zainteresiranost građana za sufinansiranje i dr.) na osnovu čega bi se mogao definisati način i finansijska konstrukcija realizacije pokrenute inicijative.
2. Redovno održavanje javne rasvjete obavlja se u skladu sa Programom održavanja javne rasvjete i zaključenim ugovorom sa dobavljačem. Održavanje/otklanjanje nedostataka na sistemu javne rasvjete je uređovano i obavlja se redovno po prijavama kvarova sa terena. Svaki kvar koji je uredno prijavljen otklanja se u vrlo kratkom roku. Zamjena pregorjelih rasvjetnih tijela u naselju Trtorići je izvršena.

Dostavljeno
1 x Naslov
1 x a/a

Pomoćnik načelnika

Salih Hasanspahić




JAVNO PREDUZEĆE "KOMUNALNO" D.O.O. BREZA

UL. ZAVNOBiH- a br.6 71370 Breza

Broj: 1798-1/23

Datum: 28.07.2023. godine

Bosna i Hercegovina
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA BREZA
Općinski načelnik
Stručna služba Općinskog vijeća i Općinskog načelnika



PREDMET: Odgovor na vijećničku inicijativu, vaš akt broj 01/1-2-2332-5/23

Poštovani,

dana 21.07.2023. godine zaprimili smo Vaš akt broj 01/1-2-2332-5/23 od 19.07.2023. godine kojim tražite odgovor na vijećničku inicijativu vijećnika Emira Nefića u kome se traži da JP „Komunalno“ d.o.o. Breza organizuje odvoz kabastog otpada sa područja općine Breza do početka održavanja privredno-kulturno-sportske manifestacije Breza 2023.

JP „Komunalno“ d.o.o. Breza u svom planu rada za 2023. godinu planiralo odvoz kabastog otpada sa područja općine Breza u dva termina, termin april-maj (proljetno čišćenje) i termin septembar-oktobar (jesenje čišćenje) kako je i previđeno Odlukom o komunalnom redu općine Breza. Termin april-maj, odnosno proljetno čišćenje nije realizovan iz razloga što su u tom periodu vršene aktivnosti na sanaciji i uklanjanju deponije u Nedićima i svi raspoloživi kapaciteti su usmjereni za rješavanje tog pitanja zbog donešenog rješenja od strane Kantonalne uprave za inspeksijske poslove. Trenutno JP „Komunalno“ d.o.o. Breza zbog kvarova na vozilima za prikupljanje otpada nije u mogućnosti provesti navedenu akciju do početka održavanja privredno-kulturno-sportske manifestacije Breza 2023, ali će svakako uz redovan odvoz otpada na svakodnevnom nivou odvući sav kabasti otpad koji bude odložen na mjestima za prikupljanje otpada. Svakako želimo napomenuti da je tokom cijele godine evidentno prisutan kabasti otpad pored posuda za odlaganje otpada i u posudama i da uposlenici prilikom redovnog odvoza otpada su odvezli i uklonili isti. Poslije zimske sezone i u saradnji sa sanitarno-komunalnim inspektorom općine Breza na pet lokacija je izvršen odvoz kabastog otpada i luga i očišćene lokacije.

O terminu jesenjeg čišćenja i odvoza kabastog otpada korisnici usluga će biti blagovremeno obavješteni putem web stranice, radija Breza i facebook stranice JP „Komunalno“ d.o.o. Breza.

Napomena: Uz redovni odvoz otpada zaposlenici JP „Komunalno“ d.o.o. Breza će odvući sav kabasti otpad odložen pored posuda za sakupljanje otpada do početka održavanja privredno-kulturno-sportske manifestacije Breza 2023.

S poštovanjem!

Dostaviti:
1x Naslovu
1x a/a



direktor

ma. Ermin Likić, dipl. ing. maš.

**JAVNA USTANOVA
ZA PREDŠKOLSKO OBRAZOVANJE I VASPITANJE
„UMIHANA ČUVIDINA“
BREZA**

Broj:157/23-157
Breza,28.07.2023. godine

**Stručna služba
Općinskog vijeća
Općinskog načelnika**

PREDMET: Odgovor na vijećničko pitanje, dostavlja se

Na osnovu dopisa broj 01/1-02-2332-4/23 od 19.07.2023. (dopis stigao 25.07.2023), dostavljam odgovor na postavljeno pitanje vijećnice Amine Tabaković.

S poštovanjem!

Direktorica:

Dostavljeno:

1x naslovu

1x a/a

Azra Zećo

Poštovani,

Prije donošenja odluke o kolektivnom godišnjem odmoru, odluka je išla na razmatranje stručnog vijeća ustanove, Općinskog načelnika, Upravnog odbora, roditeljskih sastanaka. Dakle sve u skladu sa pravilima vrtića (iako je direktor mogao sam donijeti odluku na osnovu specifičnosti posla na osnovu člana 52. Zakona o radu FBiH). Roditelji su obavješteni putem roditeljskih sastanaka i viber grupa (za roditelje koji nisu bili prisutni). U prilogu dostavljamo zapisnike sa roditeljskih sastanaka o broju prisutnih i odsutnih roditelja i dnevnim redom. Sumiranjem roditeljskih sastanaka i rezultata viber grupa, na 102. Upisane djece u periodu maja mjeseca kada se odluka razmatrala, četvero roditelja je bilo protiv kolektivnog godišnjeg, koji su se izjasnili na roditeljskim sastancima, jedan roditelj nije bio prisutan ali se izjasnio protiv. Svi ostali ili su suzdržani ili za.

S poštovanjem!



Služba za finansije, inspekcijske poslove i opću upravu

Broj: 03/1-2-19-2337/23
Breza, 21.07.2023.godine

OPĆINSKO VIJEĆE BREZA
- SLUŽBA OPĆINSKOG VIJEĆA -
Ovdje

Predmet: Odgovor na vijećničku inicijativu, dostavlja se.-

Na sjednici Općinskog vijeća Breza održanoj 10.07.2023. godine, u okviru vijećničkih pitanja i inicijativa, vijećnik Malik Čorbo je u pismenoj formi uputio inicijativu, koja glasi:

„Već treću godinu zaredom tražim jedno te isto a tiče se kresanja međa i uređenja živica. Kome mi plaćamo i ko zabušava svake godine? Već dvije godine dobijam odgovor kako je napravljen zapisnik i kako su obavješteni mještani čije su parcele uz ceste da urede svoje međe. Tražim odgovor da li ste sposobni da napravite sistem da nam lokalni putevi ne budu najgori u državi i hoćemo li svake godine postavljati inicijative za jedno te isto?“

Vezano za vijećničku inicijativu sanitarno - komunalni inspektor Općine Breza daje sljedeći odgovor:

S obzirom da Vaša, do sada postavljena pitanja/inicijative uvijek dođu na ruke sanitarno-komunalnog inspektora Općine Breza, iako su ista u nadležnosti i drugih Službi i Direkcije, ponovno Vas podsjećamo da se na osnovu Zakona o cestama Federacije BiH ("Službene novine Federacije BiH", broj 12/10;16/10 i 66/13) putevi dijele na javne i nekategorisane, te da javni putevi mogu biti sljedećih kategorija: autoputevi, brzi putevi, magistralni putevi, regionalni putevi i lokalni putevi.

Kada je u pitanju nadležnost održavanja istih, ona je jasno definisana, pa u konkretnom slučaju ako govorimo o našoj Općini, nadležnost se dijeli između Kantonalne uprave (Direkcije) za ceste i Općine Breza, zavisno od vrste puteva. Isto tako, prilikom realizacije ugovora koji se odnose na redovno održavanje kako regionalnih cesta, tako i lokalnih puteva, postoji nadzor (to nije sanitarno-komunalni inspektor) koji je dužan pratiti realizaciju istih, pa tako i stavke koja se odnosi na raskres putnih pojaseva.

Imajući u vidu da je i odredbama člana 26. Odluke o komunalnom redu („Službeni glasnik Općine Breza“, broj 1/19) propisano:

“Vrtove, voćnjake i druge slične površine (ograđene i ne ograđene) te ograde, kao i neizgrađena građevinska ili druga zemljišta u privatnom vlasništvu uz javne površine, vlasnici i korisnici moraju držati urednim i funkcionalnim, kako iste ne bi narušavale opći izgled ulice/naselja.“

sanitarno - komunalni inspektor Općine Breza poduzima mjere iz svoje nadležnosti, pa tako svake godine provodi inspekcijsku kontrolu lokalnih putnih pravaca po službenoj dužnosti, kao i po svakoj zaprimljenoj prijavi, koja se odnose na navedenu problematiku, te poduzima odgovarajuće mjere.

Prilikom kontrole, inspektor je i ove godine konstatovao da je prioritet da se izvrše radovi iz nadležnosti Općine shodno programu „Redovno održavanje lokalnih cesta i ulica na području Općine Breza“, uzimajući u obzir činjenicu da inspektor konstantno upozorava lica shodno odredbama navedene Odluke, te da isti u 99 % slučajeva postupaju po upućenom upozorenju (1% slučajeva čine umrla lica a koja su još uvijek vlasnici parcela u evidenciji katastra, te lica koja žive van granica BiH).

Međutim, činjenica je da su radovi na uređenju međa kontinuiran posao i obaveza samih vlasnika parcela (najmanje 2x godišnje) i da inspektor ne bi trebao svake godine upozoravati te iste vlasnike, imajući u vidu i druge poslove, kao i obim stih, koje obavlja sanitarno - komunalni inspektor Općine Breza.

Imajući u vidu naprijed navedeno, ovaj organ je veoma zadovoljan postignutim rezultatima iz svoje nadležnosti, pa i problematike koja se odnosi na Vašu upućenu inicijativu, te se smatra izuzetno sposobnim u svom radu. Međutim da bi se sistem uspostavio, svi akteri ove problematike, pa i drugih, moraju dati svoj doprinos i kontinuirano raditi na održavanju istog.

S poštovanjem,

Dostavljeno:

1. Naslovu
2. Pomoćnik načelnika 03/1
3. Evidencija
4. a/a

Sanitarno - komunalni inspektor

Elsada Šehović, dipl.ing.hem.



Služba za finansije, inspekcijske poslove i opću upravu

Broj: 03/1-2-33- 2336/23
Breza, 21.07.2023.godine

OPĆINSKO VIJEĆE BREZA
- SLUŽBA OPĆINSKOG VIJEĆA -
Ovdje

Predmet: Odgovor na vijećničku inicijativu, dostavlja se.-

Na sjednici Općinskog vijeća Breza održanoj 10.07.2023. godine, u okviru vijećničkih pitanja i inicijativa, vijećnik Bašić Mirnes je u pismenoj formi uputio inicijativu, koja glasi:

„Inicijativa za iskop jama u koje bi se odlagao otpad od kurbana (utroba i ostali otpad koji se ne koristi). Obrazloženje: gore pomenuti otpad u nedostatku adekvatnih odlagališta se razbacuje po svim dijelovima naše općine (pored puteva, izletišta u šumi). Ovo sve nije da samo nije higijenski nego ima za posljedicu umnožavanja broja pasa lugalica. U nadi da će te moju inicijativu pozitivno riješiti, unaprijed Vam se zahvaljujem. S poštovanjem!“ “

Vežano za vijećničku inicijativu sanitarno - komunalni inspektor Općine Breza daje sljedeći odgovor:

S obzirom da na cijelom poručju Zeničko-dobojskog kantona nisu osigurani objekti za zbrinjavanje animalnog otpada ili stočna groblja, niti stvoreni preduvjeti za neškodljivo uklanjanje uginulih i eutaniziranih životinja i drugog animalnog otpada, tako se i naša Općina suočava sa navedenim problemom, a koji predstavlja segment javnog zdravstva.

Rješavanju akumuliranih problema vezanih za upravljanje animalnog otpada nadležni kantonalni, gradski i općinski organi nisu pristupili, iako je sva legislativa koja propisuje predmetne načine upravljanja, zbrinjavanja i odobravanja na snazi u BiH.

- Odredbe člana 44. Zakona o veterinarstvu BiH („Službeni glasnik BiH“, broj: 34/02) propisuju da se životinjski trupovi mogu na propisan način zbrinuti zakopavanjem ili spaliti na groblju koje ispunjava propisane uslove. *Pravilnik o uslovima koje mora ispunjavati objekat i mjesto za sakupljanje i neškodljivo uništavanje životinjske lešine, konfiskata i proizvoda životinjskog porijekla namjenjenog utilizaciji i prijevozno sredstvo namjenjeno za njihovo sakupljanje i prijevoz („Službene novine FBiH“, broj: 3/19).*
- Odredbama člana 32. Zakona o veterinarstvu FBiH („Službene novine FBiH“, broj: 46/00) je propisano da se lešine i proizvodi životinjskog porijekla mogu zbrinuti u objektima za neškodljivo uništavanje, u koje spadaju kafilerije (spalionice), jame grobnice i groblja za životinje.
- Odredbama člana 33. Zakona je propisano da obavljanje poslova neškodljivog uklanjanja lešina, konfiskata, proizvoda životinjskog porijekla, nejestivih proizvoda klanja i valioničkog otpada dužni su osigurati kantoni.

- Odredbama člana 35. Zakona je propisano da, ako nije osigurano obavljanje poslova utilizacije (postupak predrade lešina, konfiskata, proizvoda životinjskog porijekla, nejestivih proizvoda klanja u proizvode životinjskog porijekla namjenjenih ishrani životinja ili industrijskoj upotrebi) prema odredbama člana 33. Zakona, higijeničarska služba općine preuzima i prevozi lešine, određene nejestive nusproizvode klanja, konfiskate i valioničke otpatke radi neškodljivog uništavanja u kafileriji, jami grobnici ili groblju za životinje. Higijeničarska služba mora biti organizirana tako da stalno i sigurno vrši navedene poslove, te da je dostupna držaocima životinja i dr. korisnicima. Odgovornost za rad službi snosi i kanton.

Nadzor nad navedenom problematikom prvenstveno provodi Kantonalna uprava za inspeksijske poslove putem veterinarskih inspektora, pa se ista Općini Breza već obraćala zahtjevom za iznalaženje lokacije/a koje će biti određene za korištenje u svrhu ukopavanja lešina životinja i dr.proizvoda životinjskog porijekla za kojima se iskaže potreba u radu veterinarske inspekcije ZDK.

Shodno naprijed navedenom, a kako je u toku postupak izrade Prostornog plana općine Breza, biće nužno potrebno iznaći i definisati gore pomenutu lokaciju/e, a koje opet moraju biti u skladu sa Pravilnikom, sve u cilju unapređenja veterinarskog-javnog zdravstva, zdravlja ljudi, kao i okoliša.

Isto tako, do iznalaženja navednih lokacija, vlasnici animalnog otpada su dužni isti zbrinjavati u skladu sa važećim zakonskim propisima i snose punu odgovornost za isti.

S poštovanjem,

Dostavljeno:

1. Naslovu
2. Pomoćnik načelnika 03/1
3. Evidencija
4. a/a

Sanitarno - komunalni inspektor

Elsada Šehović, dipl.ing.hem.



Služba za privredu
Broj: 02/1-13-19-2417/23
Breza, 28.07.2023.god.

Stručna služba Općinskog vijeća

Predmet: Odgovor na pokrenutu inicijativu, dostavlja se

Poštovani,

Na sjednici Općinskog vijeća Breza održanoj dana 10.07.2023. godine, u okviru vijećničkih pitanja, vijećnik Anel Rihčić, u pismenoj formi je pokrenuo vijećničku inicijativu koja glasi:

„Tražimo od nadležne službe da se u što kraćem roku obilježe parking mjesta na svim parkinzima za osobe sa invaliditetom.“

U vezi pokrenute vijećničke inicijative dostavljamo sljedeći odgovor:

Članom 28. Odluke o bezbjednosti saobraćaja na putevima općine Breza (Službeni glasnik Općine Breza, br. 6/11) definisana su stalna i privremena parkirališta na području općine Breza. Na novoizgrađenim parkiralištima Općina Breza je označila parking mjesta za invalidne osobe u smislu postavljanja horizontalne ali i vertikalne saobraćajne signalizacije u skladu sa projektno-tehničkom dokumentacijom izgrađenih parkirališta i drugim zakonskim odredbama.

Na ostalim definisanim parking prostorima koja imaju asfaltnu podlogu nadležna služba će prilikom postavljanja vertikalne i horizontalne saobraćajne signalizacije definisane Programom redovnog održavanja cesta na području općine nastojati realizovati Vašu inicijativu.

Također, u narednom periodu ćemo obići parking prostore trgovačkih i ostalih poslovnih objekata te ukoliko se ustanovi da parking mjesta nisu označena u skladu sa zakonskim propisima iz te oblasti naložiti im otklanjanje nedostataka u smislu podnesene inicijative.

S poštovanjem!

Obrađivač: Edvina Kadrić-Velić

Pomoćnik načelnika

.....
Salih Hasanspahić

Dostavljeno:

1 x Naslov
1 x Evidencija,
1 x a/a